

薛立齋醫案全集

辛酉孟夏中泚
薛齋署



產後門

產後口乾痞悶方論第一

論曰產後口乾痞悶因食米麪乾飯太早脾胃不能消化熱鬱所致慎不可下但服見現丸則愈無擇云若內積憂煩外傷燥熱宜四物湯去地黃加人參烏梅可愈

愚按前症若宿食停滯用六君子枳實神麪若因肉食所致更加山查若因魚鱸之類再加陳皮其物既消而仍痞或反作痛作嘔此脾胃受傷用六君子湯或噉酸噉腐加炮薑作瀉更加升麻如不應佐以四神丸或間用補中益氣湯

附治驗

一婦人食角黍煩渴痞悶腹痛大便欲去不去服消導等藥不應飲食日減肌體日瘦半年矣余謂此食積為患用大酒麪炒為末溫酒調服二錢俄間腹鳴良久仍下棕而愈一婦人食魚鮓腹痛患痢諸藥不應用陳皮白朮等分為末以陳皮湯送下數服而愈見現丸

薑黃炒

三棱醋炒

萆澄加

陳皮

良薑

人參

莪茂

酒炒各等分

右為末用蘿蔔汁糊丸桐子大每服三十丸白湯下

產後心煩發渴宜清心蓮子飲方見第六卷首論

附方

六君子湯

補中益氣湯

方見二十卷第六論

四神丸

方見八卷第八論

產後血渴方論第二

竊謂前症若出血過多。虛火上炎。用童子小便。或四物白朮麥門丹皮。若胃氣虛而有熱。用竹葉歸芪湯。若血虛發熱。用八珍加麥門五味。若血脫發熱煩躁。用當歸補血湯。若胃氣虛弱。用補中益氣湯。或七味白朮散。

附治驗

一產婦患前症。朝寒暮熱。肚腹作痛。以手按之不痛。余以為血氣俱虛。用八珍之類治之。彼反行逐血。更加發熱煩躁。余用當歸補血湯。熱躁漸止。用八珍麥門五味。氣血漸復。

附方

七味白朮散

治中氣虛弱。津液短少。口乾作渴。或因吐瀉所致者。

人參

白朮炒

木香

白茯苓

甘草炒

藿香

乾薑各一

右水煎服。

竹葉歸芪湯

治胃氣虛熱。口乾作渴。惡冷飲食者。

竹葉五分

當歸一錢

黃芪二錢

白朮

人參各一錢

麥門冬七分 甘草炒五分

右水煎服。

四物湯

當歸補血湯

方見二十一卷第十一論

補中益氣湯

二方見二十一卷第六論

八珍湯

方見二十一卷第四論

產後乍寒乍熱方論第三

產後乍寒乍熱。由血氣虛損。陰陽不和。若陰勝則乍寒。陽勝則乍熱。宜用增損四物湯。若因敗血不散。腹內作痛。宜用奪命丹。後用增損四物湯。隨病加減。無擇云。敗血流閉。諸陰則寒。流閉諸陽則熱。用大調經散五積散。

愚按前症若因陽氣不足陰氣上入於陽中而惡寒者用補中益氣湯若因陰氣不足陽氣下陷於陰中而發熱者用六味地黃丸若血氣不足而惡寒發熱者用八珍湯若病後寒熱倦怠者用補中益氣湯若肌熱大渴目赤面紅者用當歸補血湯

附治驗

一產婦惡寒發熱余以為血氣虛寒用十全大補加炮薑而寒熱愈用補中益氣而肢體安又食後犯怒惡寒發熱抽搐咬牙面色青中隱黃此肝木侮脾土飲食停滯用六君子加木香一劑而安

一產婦惡寒發熱余以為氣血俱虛不信反用小柴胡湯致汗出譫語煩熱作渴肢體抽搐余用十全大補二劑益甚脉洪大重按如無此藥力不能及乃加附子四劑稍緩數劑而安

增損四物湯

人參

富歸

芍藥炒

川芎

乾薑炒

甘草四錢

右每服四錢水薑煎

大調經散

治產後惡露未消寒熱自汗或肚腹作痛

大豆

炒一兩半
去皮茯苓一兩

真琥珀錢

右為末每服二錢空心濃煎烏豆紫蘇湯調下

附方

六君子湯

補中益氣湯

二方見二十
四卷第六論

當歸補血湯

方見二十一
四卷第十一論

八珍湯

十全大補湯

二方見二十
四卷第四論

六味地黃丸

方見二十一
四卷第十一論

產後瘧疾方論第四

郭稽中云產後乍寒乍熱者多是敗血為虛或陰陽不和若察作瘧疾治之誤矣陳無擇云產後寒熱或一二日或二三日一發或先寒後熱或先熱後寒或寒多熱少或熱多寒少或純寒純熱者皆是瘧疾最難治療可用草菓飲生熟飲四獸飲選用

愚按前症當與第十四卷第十論參看用藥以補胃氣為主佐以菓草飲之類若胃氣稍充以菓草飲

為主佐以補胃之劑。大抵產後瘧疾因脾胃虛弱飲食停滯。或外邪所感。或鬱怒傷脾。或暑邪所伏。審係飲食用六君。加桔梗蒼朮藿香。如外邪多而飲食少。用藿香正氣散。如外邪少飲食多。用人參養胃湯。勞役所傷。用補中益氣湯。氣血虛弱。用十全大補。加炮薑。中氣虛寒。用六君。加薑桂。元氣脫陷。急加附子。蓋氣虛則寒。血虛則熱。胃虛則惡寒。胃氣下陷則寒熱交作。或吐瀉不食。腹痛煩渴。發熱譫語。或手足逆冷。寒戰如慄。雖見百症。但溫補脾胃。其病自退。若誤用清脾飲。則中氣傷而變症多矣。

草果飲

治產後瘧疾寒熱相半者。或多熱者。

半夏炮

赤茯苓

甘草炙

草果炮去

川芎

陳皮

白芷各一錢

青皮去白

良薑

紫蘇二錢

乾葛四錢

右以咀三錢水一鍾薑三片棗二枚煎至七分

當發日侵辰連服三服無有不安者

生熟飲子

治產後瘧疾多寒者

肉豆蔻

草果仁

厚朴去皮

半夏

陳皮

甘草

大棗去核

生薑

右八味等分。半用生半用濕帝裏煨。令香熟去紙。與生者和勻。每服五錢水二盞煎七

分。食前一服。食後一服。

清脾飲

治產後瘧疾熱多寒少

養胃湯

治產後瘧疾寒多熱少

七寶飲

久不已者用截之。三方見十四卷第九論

附方

六君子湯

補中益氣湯。二方見二十四卷第六論

十全大補湯。方見二十四卷第四論

產後蓐勞方論第五

夫產後蓐勞者。此由生產日淺。血氣虛弱。飲食未平。復不滿日。月氣血虛。羸將養失所。而風冷客之。風冷

搏於氣血則不能溫於肌膚使人虛乏勞倦乍卧乍起顏容憔悴食飲不消風冷邪氣而感於肺肺受微寒故咳嗽口乾遂覺頭昏百節疼痛榮衛受於風邪流注藏府須臾頻發時有盜汗寒熱如瘧背膊煩悶四肢不舉沉重着床此則蓐勞之候也

又論曰婦人因產理不順疲極筋力憂勞心慮致令虛羸喘乏寒熱如瘧頭痛自汗肢體倦怠咳嗽痰逆腹中絞刺名曰蓐勞

愚按前症當扶養正氣為主用六君子湯加當歸若脾肺氣虛而咳嗽口乾用補中益氣加麥門五味若因中氣虛而口乾頭暈用補中益氣加蔓荊子若肝經血虛而肢體作痛用四物參朮若因肝腎虛弱而自汗盜汗寒熱往來者用六味丸加五味子若因脾虛血弱肚腹作痛月經不調用八珍湯倍加白朮若因脾虛血燥皮膚癢痒用加味逍遙散大抵此症多因脾胃虛弱飲食減少以致諸經疲憊而作當補脾胃飲食一進精氣生化諸臟有所倚賴其病自愈矣仍照虛發熱方論主治

增損柴胡湯 治產後虛弱寒熱如瘧食少腹痛
柴胡 人參 甘草炒 半夏炒 陳皮 川芎 白芍藥炒各等分

右每服五錢水薑棗煎日二服

白茯苓散 治產後蓐勞頭目四肢疼痛寒熱如瘧

白茯苓一兩 當歸 川芎 桂心 白芍藥炒 黃芪 人參各半

熟地黃自製 右先以水三盞入猪腎一雙薑棗各三事煎二盞去之入前藥半兩煎一盞服

猪腰子粥 治產後蓐勞發熱用猪腰子一枚去膜切片用鹽酒拌先用粳米一合入葱椒煮粥鹽醋和

將腰子鋪碗底以熱粥蓋之如作虛生狀空心服

黃芪建中湯 治產後諸虛不足發熱或惡寒腹痛

黃芪炒 肉桂各一兩 白芍藥炒 甘草炒 右每服五錢用薑棗水煎日二三服虛甚須加

附子

附方

六君子湯

補中益氣湯

四物湯三方見二十四卷第六論

六味丸方見二十四卷第十一論

八珍湯

加味逍遙散二方見二十四卷第四論

產後虛羸方論第六

產寶云。產後虛羸者。皆由產後虧損血氣所致。須當起慎。居節飲食。六淫七情。調養百日。庶保無疾。若中年及難產者。毋論日期。必須調養。平復方可治事。否則氣血復傷。虛羸之症作矣。

愚按前症。產傷氣血者。用八珍湯。飲食傷胃者。用四君子湯。停食傷脾者。用六君子湯。勞傷元氣者。用補中益氣湯。若噁氣覺有藥味者。此藥復傷胃也。但用四君子湯。徐徐少飲。以調脾胃。若胃氣一健。血氣自生。諸症自愈矣。

黃雌雞湯 治產後虛羸腹痛。

小黃雌雞一隻去頭足翅羽腸肚細切

當歸

白朮炒

熟地黃製

桂心

黃芪炒各半兩

右先以水七鍾。煮雞至三鍾。每用汁一鍾。藥四錢。煎日三服。

十全大補湯 治產後氣血未復。形體虛弱。發熱惡寒等症。方見二十四卷第四論

產後風虛冷勞方論第七

產後氣血勞傷。臟腑虛弱。若風冷乘之。血氣愈虛。形氣羸損。風冷入臟。令人無子。謂之風虛冷勞也。

愚按前症。若血氣虛弱。用八珍湯。血氣虛寒。用十全大補湯。胃氣虛弱。用補中益氣湯。脾氣虛弱。用六君子湯。命門火衰。用八味丸。肝脾血虛。用加味逍遙散。肝脾鬱怒。用加味歸脾湯。

產寶方治產後虛羸不生肌肉

黃芪炒

當歸

芍藥炒

人參銕三

桂心

甘草炒

川芎

生薑四

大棗二

右水煎分三服

又方猪腎一雙煮入蔥豉作臠如常食之

產後腹脹嘔吐方論第八

產後腹脹滿悶嘔吐者因敗血散於脾胃不能運化而致宜用抵聖湯治之

愚按前症若敗血散於腸胃宜用前方若飲食停於脾宜用六君厚朴若飲食傷於胃宜用六君子湯大凡損其脾者當節其飲食為善

附治驗

一產婦患前症或用抵當湯敗血已下前症益甚小腹重墜似欲去後余謂此脾氣虛而下陷用補中益氣湯加炮薑溫補脾氣重墜如失又用六君子湯而安

抵聖湯

赤芍藥 半夏

澤蘭葉

人參

陳皮

甘草炒各一錢

右用生薑焙乾半兩

水煎

愚按前方最宜用之

附方

六君子湯

補中益氣湯

二方見二十四卷第六論

產後嘔逆不食方論第九

經云胃為水穀之海以養臟腑因產後胃氣虛弱飲食所傷必致嘔逆故不食也

愚按前症若因飲食過時用四君子湯飲食過多用六君子湯飲食過時而兼勞役用補中益氣若因

飲食停滯用人參養胃湯脾胃氣虛用六君子湯胃氣虛寒加炮薑木香寒水侮土用益黃散肝木侮

脾土用六君升麻柴胡命門火衰不能生土用八味丸嘔吐泄瀉手足俱冷或肚腹作痛乃陽氣虛寒

急用附子理中湯多有生者

附治驗

一產婦朝吐痰夜發熱晝夜無寐或用清痰降火肌體日瘦飲食日少前症愈甚余曰早間吐痰脾氣虛也夜間發熱肝血虛也晝夜無寐脾血耗也遂用六君子湯加味逍遙散加味歸脾湯以次調補

開胃散

治產後胃虛嘔吐胸滿不食

右每服五錢薑水煎

治產後胃虛嘔逆

橘紅一兩

半夏

甘草炒各半兩

藿香三兩

右每服五錢薑水煎

治產嘔逆不食白朮銕薑水煎徐徐溫服

石蓮散 治產後胃寒咳逆嘔吐不食或腹作脹

石蓮肉半兩

白茯苓一兩

丁香五錢

右為末每服二錢不拘時用薑湯或米飲調下日三服

附方

錢氏益黃散 治脾土虛寒水反來侮以致嘔吐不食或肚腹作痛或大便不實手足逆冷等症

陳皮一兩

青皮

呵子肉

甘草炙

丁香二錢

右為粗末每服四錢水煎服

人參養胃湯 治外感風寒內傷飲食寒熱頭疼或作瘧疾

半夏

厚朴製

橘紅八分

藿香葉

草菓

茯苓

人參五分

甘草炙三

蒼朮一錢

右薑七片烏梅一個水煎服

四君子湯

補中益氣湯

八味丸

附子理中湯

卷第八論

加味歸脾湯

加味逍遙散

產後霍亂方論第十

產後霍亂因臟腑虛損飲食不消觸冒風冷所致若熱而飲水者五苓散寒而不飲水者理中丸虛冷者加附子來復丹尤妙

愚按此症當與後卷第十一論互相主治

附治驗

一產婦停食霍亂用藿香正氣散之類已愈後胸腹膨脹飲食稍過即嘔吐或作泄瀉余謂此脾胃虛用六君子湯加木香治之漸愈後因飲食失調兼患怒患霍亂胃腹大痛手足逆冷用附子散又用八味丸以補土母而康設泥痛無補法而用辛散或用平補之劑必致不起一產婦吐瀉噦酸面目浮腫此脾氣虛寒先用六君加炮薑為主佐以越鞠丸而噦酸愈又用補中益氣加茯苓半夏而脾康白朮散治脾胃傷吐瀉腹痛煩渴手足逆冷或大便不實

白朮

橘紅

麥門冬

人參

乾薑

甘草

右每服四錢薑水煎

附子散

治脾胃虛寒吐瀉腹痛手足逆冷或自汗口禁

附子炮

白朮炒

當歸

吳茱萸

丁香

橘紅

甘草

右為末每服二錢粥飲調若脾胃虛用參苓白朮散

附方

藿香正氣散

治外感風寒內停飲食頭疼寒熱或霍亂泄瀉或作瘧疾

藿香

一錢

桔梗炒

大腹皮

紫蘇

茯苓

白芷

半夏麩

陳皮

白朮炒

厚朴

甘草

右薑棗水煎熱服

五苓散

白朮炒

猪苓

桂

澤瀉

苓

右水煎服

理中丸

治脾胃虛寒嘔吐泄瀉飲食少思肚腹膨脹

人參

白朮炒

乾薑炮

甘草炙各一錢

右為末。木糊丸。彈子大。每服一丸。嚼細白湯下。

來復丹

治伏暑泄瀉。身熱脉弱。其效如神。愴卒間。須用此藥。

硝石

一兩同硫黃火上微炒。用柳條攪結。砂子不可火大。

太陰玄精石

研

船上硫黃

各一兩

五靈脂去砂青皮

陳皮

各二兩

右為末。醋糊丸。小豆大。每服三十丸。空心米飲下。

易簡方云。硝石性寒。佐以陳皮。其性疎快。硫黃性寒。味澁。若作煖藥。以止瀉誤矣。蓋由啖食生冷。或胃暑熱之氣。中脘閉結。揮霍變亂。非此藥不能通利三焦。分理陰陽。其功甚速。

六君子湯

方見二十四卷第六論

八味丸

方見二十四卷第十一論

產後門

產後寒熱方論第一

產後發熱頭痛身疼雖如傷寒時氣雖當用麻黃亦不可輕易如早起勞動為寒所傷則淅淅惡寒翕翕發熱頭項肩背骨節皆痛至七八日乃差若大便堅作嘔不能食用小柴胡湯加生薑地黃主之

愚按病機要云治胎產之病從厥陰經論之無犯胃氣及上中二焦為之三禁不可汗不可下不可利小便發汗者同傷寒下之早證利大便則脈數而已動於脾利小便則內亡津液胃中枯燥製藥之法能不犯三禁則榮衛自和而寒熱止矣

人參當歸散

治去血過多內熱短氣頭痛悶亂骨節作痛或虛煩咽燥

人參

當歸

生地黃

桂心

麥門冬去心各一兩

白芍藥

右粳米一合竹葉十

片水二鍾煎一鍾去之入藥五錢棗二枚煎服虛甚用熟地黃

小柴胡湯

治傷風四肢煩熱頭疼若頭不疼而作煩二物黃芩湯方見二論

二物黃芩湯

黃芩半兩

苦參二兩

生地黃二兩

右每服四錢水煎

增損柴胡湯

治虛弱寒熱少食腹脹等症方見勞等

竹葉防風湯

治產後傷風發熱面赤氣喘頭痛

淡竹葉半斤

防風

人參

桂枝

苦梗

甘草各半兩

葛根一兩

右每服五錢薑棗水煎汗出項強加附子嘔加半夏

治惡露不盡晝則明了暮則譫語寒熱如見鬼此熱入血室用柴胡地黃湯或四物加柴胡方見六卷十五論

產後頭痛方論第二

夫頭者諸陽之會也。產後胃氣虛弱，飲食少思，陽氣微弱，不能上升，故頭痛。若因敗血黑龍丹言之甚詳。愚按前症，若中氣虛，用補中益氣湯，加蔓荊子。若血虛，用四物，加參朮。血氣俱虛，用八珍湯。若因風寒所傷，用補中益氣湯，加川芎。

附治驗

一產婦患頭痛，日用補中益氣湯，不缺已三年矣。稍勞則惡寒內熱，為陽氣虛。以前湯加附子一錢，數劑不發。一婦人產後頭痛，面青二年矣，日服四物等藥。余謂腎水不能生肝木，而血虛用六味丸，加五味子，兩月而痊。

芎附散 治氣虛頭痛，用大附子一枚，去皮臍切四片，拌醋一碗，火附煎盡，同川芎一兩為末，每服二錢，清茶調服。

治血虛頭痛，當歸川芎，每服五錢水煎。

產後頭痛，都梁丸亦可治。方見四卷第六論

附方

補中益氣湯

四物湯方見二十四卷第六論

八珍湯方見二十四卷第四論

六味丸方見二十四卷第十一論

產後咳嗽方論第三

夫肺主於氣，產後肺氣虛，故外邪感而咳嗽，所由作也。若食鹽醯之類，而致者難治。若因麪積滯而致者，服黑神散五積散可愈。

愚按前症，若陰血虛，四物湯加參朮、陳皮、桔梗，肺氣虛四君加芎歸、桔梗、陰火、上炎六味、地黃丸，加參朮。風寒所感，補中益氣湯加桔梗、紫蘇。若瘀血入肺，發喘，兼口鼻起黑，或鼻出血急，用二味參蘇飲亦

有得生者。然而所患。悉因胃氣不足。蓋胃為五臟之根本。胃氣一虛。五臟失所。百病生焉。經云。肺屬辛金。生於己土。脾土既虛。不能生金。則腠理不密。外邪易感矣。治當壯土。金生腎水。以制火為善。

附治驗

一產婦。朝吐痰。夜發熱。無寐。泥用清痰降火之藥。肌體日瘦。飲食日少。余曰。早間吐痰。脾氣虛也。夜間發熱。肝血虛也。晝夜無寐。脾血耗也。遂用六君子湯。加味逍遙散。加味歸脾湯。以次調補。不月而痊。
一產婦。咳嗽。見風則喘。急惡寒。頭痛自汗。口禁痰盛。余為脾肺氣虛。腠理不密。用補中益氣。加肉桂數劑而安。
一產婦。咳嗽。聲重。鼻塞流涕。此風寒所感。余用參蘇飲。一鍾頭愈。與補中益氣。加桔梗。茯苓。半夏。一劑將痊。又與六君黃芪。以實腠理。全愈。
一產婦。咳嗽。痰盛。面赤口乾。內熱。喘熱。徹作無時。此陰火上炎。余用補中益氣湯。六味地黃丸。而愈。
一產婦。咳而腹滿。不食。涕唾。面腫。氣逆。此病在胃。而關於肺。用異功散。而愈。

知母散 治惡露上攻咳嗽不已

知母 貝母

白茯苓

人參 各半

桃仁

杏仁 並生去皮尖各一兩

右每服五錢水煎

治風寒咳嗽

甘草

桔梗 各六分

款冬花 各四分

麥門冬

生地黄 各二分

錢慈白 握一

右水煎服

旋覆花湯

治咳嗽最良

方見下有汗者去麻黃

附方

異功散

治脾胃虛弱。飲食少思。或久患咳嗽。或腹滿不食。面浮氣逆等症。

人參

白朮 炒

甘草 炒

茯苓

陳皮 各一錢

右薑棗水煎服

六君子湯

四物湯

四君子湯

補中益氣湯 四方見二十論

六味丸 方見二十一論

二味參蘇飲 方見後

參蘇飲方見六卷十一論

產後喉中氣急喘促方論第四

產後喉中氣急喘促因榮血暴竭衛氣無主獨聚於肺名曰孤陽最為難治若因敗血停凝服奪命丹若因榮血暴絕服芎藭湯若因風寒所傷服旋覆花湯若因氣鬱結服小調經散若因傷飲食服見現丸愚按前症若脾肺氣虛弱用六君子桔梗若兼外邪更加紫蘇若中氣虛寒用補中益氣加炮薑肉桂若陽氣虛脫更加附子若瘀血入肺急用二味參蘇飲

附治驗

一產婦喘促自汗手足俱冷常以手護臍腹此陽氣虛脫用參附湯四劑而愈

二味參蘇飲 治產後血入於肺面黑發喘欲死者

人參一兩 蘇木二兩 右水煎頓服

旋覆花湯 治傷風寒暑濕喘嗽太盛坐卧不寧

旋覆花 赤芍藥 前胡 半夏麴 荊芥穗 甘草 茯苓

五味子 杏仁 麻黃各等分 右每服四錢薑棗水煎有汗者莫服

五味子湯 治產後喘促脈伏而厥

五味子炒 人參 杏仁錢二 麥門冬錢二 陳皮錢一 右薑三片棗二枚水煎服

芎藭湯方見後

附方

六君子湯 補中益氣湯二方見二十四卷第六論 參附湯方見十八卷第六論

產後口鼻黑衄方論第五

產後口鼻起黑氣及鼻衄者蓋陽明經脈之海起於鼻交頤中還出頤口交人中左之右右之左此產後

氣虛榮血散亂胃絕肺敗之症也急取緋線一條并產婦頂心髮兩條緊繫中指節更無藥可療

愚按胃脈俠口繞承漿蓋量準屬脾土鼻孔屬肺金誠胃虛肺損氣脫血死之症急用二參蘇飴加附子五錢亦有得生者方見前

產後咳噫方論第六

夫肺主於氣而稟於胃蓋產後脾胃傷損風冷所搏故咳噫也急灸期門三壯必愈此穴乃胃之大絡賦

六卷第
十五論

愚按前症屬胃氣虛寒之惡候如用後方未應急投參附湯亦有復生者方見十
卷第六論

丁香散 治心煩咳噫

丁香

白芷各半

伏龍肝兩

右為末煎桃仁吳茱萸湯每服一錢調下

羌活散 治咳逆

羌活

附子炮

茴香炒各
五錢

木香

白薑炮各
一錢

右為末每服二錢水一盞鹽一捻

煎服

一方川桂心五錢薑汁三合水煎服

產後血崩方論第七

產後血崩因經脈未復而勞傷或食酸鹹之味若小腹滿痛肝經已傷最為難治急服固經丸主之

愚按前症若血滯小腹脹滿用失笑散血少小腹虛痞宜窮湯肝火血妄行加味逍遙散脾鬱不統血加味歸脾湯脾氣虛不攝血補中益氣湯厚味積熱傷血清胃散加槐花風熱相搏傷血四君子防風枳殼

附治驗

一產婦血崩小腹脹痛用破氣行血之則其崩如湧四肢不收惡寒嘔吐大便頻瀉余用六君加炮薑

四劑稍愈又十全大補三十餘劑而痊。一產婦血崩因怒其血如湧仆地口禁目斜手足抽搐此肝經血耗生風余用六味丸料一劑諸症悉退但食少晡熱佐以四君柴胡牡丹皮而愈

固經丸

艾葉

赤石脂

補骨脂炒

木賊各木

附子炮一箇

右為末飯丸桐子大每服二十九

溫酒或米飲下

芎藭湯

芎藭

當歸

芍藥各等

右每服五錢水煎

附方

失笑散

方見二十卷第五論

十全大補湯

加味道遙散

加味歸脾湯

方見二十卷第四論

補中益氣湯

六君子湯

四君子湯

方見二十卷第六論

清胃散

方見二十卷首論

六味丸

方見二十四卷第十一論

產後月水不調方論第八

產後月水不調由血氣虛損風邪所客邪正相搏以致經候失期或多或少而不得其平也

愚按前症若過期而作痛者氣血俱虛也八珍加柴胡丹皮不及期而來血熱也四物山梔柴胡將來而作痛血實也四物加桃仁紅花過期而來者血虛也四物加參朮紫黑成塊者血熱也四物加炒梔炒連丹皮作痛而色淡者痰多也四物合二陳治當臨症制宜

附治驗

一產婦月經不調內熱燥渴服寒涼之劑其血如崩腹脹寒熱作嘔少食用六君子二十餘劑諸病悉愈以加味道遙散調理而安

琥珀散 治經脈不調飲食少思日漸消瘦